

增壹阿含經卷第十五

斯五

高幢品第二十四之二

符秦建元年三藏曇摩難提譯

爾時彼惡龍吐舌舐如來手熟視如來面是時世尊明日清晨且手擎此惡龍徃詣迦葉所語迦葉曰此是惡龍極爲兇暴今已降之矣

乙

庚辰列

時迦葉見惡龍已便懷恐怖白世尊曰止止沙門勿復來前龍備相害世尊告曰迦葉勿懼我今已降之終不相害所以然者此龍已受教化是時迦葉及五百弟子歎未曾有甚奇甚特此瞿曇沙門極大威神能降此惡龍使不作惡雖尔故不如我得道真尔時迦葉白世尊曰大沙門當受我九十日請所須衣被飲食牀卧具病瘦醫藥盡當供給尔時世尊默然受迦葉請是時世尊以此神龍著大海中而彼惡龍隨壽長短命終之後生四天王天土上是時如來還止石室迦葉供辦種種飯食已往白世尊飲食已辦可往就食世尊

告曰迦葉在前吾正尔當徃迦葉去後便徃至閣浮提界上閣浮樹下取閣浮菓還先至迦葉石室中坐是時迦葉見世尊在石室中白世尊曰沙門爲從何道來至石室佛告迦葉汝去之後吾至閣浮提界上取閣浮菓還來至此坐迦葉當知此菓甚爲香美可取食之迦葉對曰我不須是沙門自取食之是時迦葉復作是念此沙門極有神足有大威力乃能至閣浮提界上取此美菓雖尔故不如我道真是時世尊食已還在彼止宿迦葉清朝至世尊所到已白世尊曰食時已至可徃就食佛告迦葉汝並在前吾後當徃迦葉去後便至閣浮提界上取阿摩勒菓還先至迦葉石室中坐迦葉白世尊曰沙門爲從何道來至此間世尊告曰汝去之後至閣浮提界上取此菓來極爲香美若須者便取食之迦葉對曰吾不須是沙門自取食之是時迦葉復作是念此沙門極有神力有大威神吾去之

後取此菓來雖余故不如我我已得道真是時世尊食時世尊食已還彼止宿明日迦葉至世尊所而白時至而作是說食時已至可往就食佛告迦葉汝並在前吾後當往迦葉去後世尊至北鬱單越取自然粳米來還先至迦葉石室迦葉問佛沙門爲從何道來至此坐世尊告曰迦葉

斯五

片

當知汝去之後吾至鬱單越取自然粳米極爲香好迦葉須者便取食之迦葉對曰吾不須是沙門自取食之迦葉復作是念此沙門極有神足有大神力雖余故不如我得道真是時世尊食已還彼止宿明日迦葉至世尊所而作是說食時已至可往就食佛告迦葉

二

片

汝並在前吾當後往迦葉去後世尊至瞿耶尼取呵梨勒菓先至迦葉石室中坐迦葉問佛沙門爲從何道來至此坐佛告迦葉汝去之後吾至瞿耶尼取此菓來極爲香美迦葉須者可取食之迦葉對曰我不須是沙門自取食之迦葉復作是念此沙門極有神力有

大威神雖余故不如我得道真是時世尊食已還彼止宿明日迦葉至世尊所而白時至可往就食佛告迦葉汝並在前吾後當往迦葉去後世尊至弗于逮取毗醯勒菓先至迦葉石室中坐迦葉問佛沙門爲從何道來至此坐佛告迦葉汝去之後吾至弗于逮取此

菓來極爲香好迦葉須者可取食之迦葉對曰吾不須是沙門自取食之迦葉復作是念此沙門極有神力有大神足雖余故不如我道真是時世尊食已還彼止宿是時迦葉時欲大祠五百弟子勒斧斫薪手擎斧而斧不下是時迦葉復作是念此必沙門所爲是時

斯五

三

片

迦葉間世尊曰今欲破薪斧何故不下也世尊告曰欲得斧下耶曰欲使斧下尋時下是時彼斧既下復不得舉迦葉復白佛言斧何故不舉世尊告曰欲使斧舉耶曰欲使舉斧尋復舉爾時迦葉弟子意欲然火火不得然

是時迦葉復作是念此必沙門瞿曇所爲迦

葉白佛火何故不然佛告迦葉欲使火然耶曰欲使然火尋時然余時意欲滅火復不滅迦葉白佛火何故不滅佛告迦葉欲使火滅耶曰欲使滅火尋時滅迦葉便作是念此沙門瞿曇面目端正世之希有吾明日欲大祠國王人民盡當來集設當見此沙門者吾不復得供養此沙門明日不來者便爲大幸是時世尊知迦葉心中所念明日清旦至齋單曰取自然粳米瞿耶尼取乳汁徃至阿耨達泉而食竟日在彼住向暮還至石室止宿迦葉明日至世尊所問曰沙門昨日何故不來佛告迦葉汝昨日作是念此瞿曇極爲端

正世之希有吾明日大祠若國王人民見者便斷吾供養設不來者便是大幸我尋知汝心之所念乃至齋單曰取自然粳米瞿耶尼取乳汁徃阿耨達泉上食竟日在彼向暮還至石室中上宿是時迦葉復作是念此大沙門極有神足實有威神雖余故不如我得道

真是時世尊食已還石室止宿即夜四天王至世尊所而聽經法四天王亦有光明佛亦大放光照彼山野洞然一色時彼迦葉夜見光明明日清旦至世尊所到已自世尊曰昨夜是何光明照此山野世尊告曰昨夜四天王來至我所而聽法是彼四天王之光明是時迦葉復作是念此大沙門極有神力乃能使四天王來聽經法雖有此力猶不如我得道真是時世尊食已還在彼宿夜半釋提桓因來至世尊所而聽法天帝光明復照彼山時彼迦葉夜起瞻星見此光明明日清旦迦葉至世尊所問曰瞿曇昨夜光明極爲殊特

斯五

有何因緣有此光明世尊告曰昨夜天帝釋來至聽經故有此光明耳時迦葉復作是念此沙門瞿曇極有神力有大威神乃能使天帝釋來聽經法雖余故不如我得道真是時世尊食已還在彼宿夜半梵天王放大光明照彼山中至世尊所而聽經法時迦葉夜起

見光明明日至世尊所而問曰昨夜光明倍有所照勝於日月光明有何等因緣致此光明世尊告曰迦葉當知昨夜大梵天王來至我所而聽經法是時迦葉復作是念此沙門瞿曇極有神力乃能使我祖父來至此沙門所而聽經法雖余故不如我得道真尔時世尊得弊壞五納衣意欲浣濯便作是念我當於何處而浣此衣是時釋提桓因知世尊心中所念即化作浴池白世尊曰可在此浣衣是時世尊復作是念吾當於何處蹋浣此衣時四天王知世尊心中所念便舉大方石著水側白世尊曰可在此而蹋衣是時世尊復作是念吾於何處而曝此衣時樹神知世尊心中所念便垂樹枝自世尊曰唯願在此曝衣明日清旦迦葉至世尊所問世尊曰本無此池今有此池本無此樹今有此樹本無此石今有此石有何因緣而有此變世尊告曰此是昨夜天帝釋知吾欲浣衣故作此浴池

斯五

五

吾復作是念當於何處蹋浣此衣時四天正知吾心中所念便持此石來吾復作是念當於何處而曝此衣時樹神知我心中所念便垂此樹枝耳是時迦葉復作是念此沙門瞿曇雖神故不如我得道真是時世尊食已還於彼宿是時夜半有大黑雲起而作大雨連於彼宿是時夜半有大黑雲起而作大雨連若大河極為暴溢是時迦葉復作是念此河暴溢沙門必當為水所漂我今看之是時迦葉及五百弟子往至河所爾時世尊在水上行脚不為水所漬是時迦葉遙見世尊在水上行是時迦葉便作是念甚奇甚特沙門瞿曇乃能在水上行我亦能在水上行但不能使脚不汗耳此沙門雖神故不如我得道真若是時世尊語迦葉言汝亦非阿羅漢復不知阿羅漢道汝尚不識阿羅漢名況得道乎汝是盲人目無所覩如來現尔許變化故言不如我得道真汝方作是語吾能在水上行今正是時可共在水上行耶汝今可捨邪見之

心無令長夜受此苦惱是時迦葉聞世尊語已便前頭面禮是我今悔過深知非法乃觸如來唯願受悔如是再三世尊告曰聽汝改過乃能自知觸擾如來是時迦葉告五百弟子曰汝等各隨所宜我今自歸沙門瞿曇是時五百弟子白迦葉言我等先亦有心於沙門瞿曇當降龍時尋欲歸命若師自歸瞿曇者我等五百弟子盡自歸於瞿曇所迦葉報言今正是時然復我心執此愚癡見余許變將五百弟子前後圍遶至世尊所頭面禮足在一面立白世尊曰唯願世尊聽我等得作沙門修清淨行諸佛常法若稱善來比丘便成沙門是時世尊告迦葉曰善來比丘此法微妙善修梵行是時迦葉及五百弟子所著衣裳盡變成袈裟頭髮自落如似剃髮已經七日是時迦葉學術之具及於呪術盡投水

中時五百弟子白世尊曰唯願世尊聽我等斯五

得作沙門世尊告曰善來比丘時五百比丘即成沙門袈裟著身頭髮自落尔時順水下流有梵志名江迦葉在水側住是時江迦葉見呪術之具盡為水所漂便作是念咄哉大兄為水所溺是時江迦葉將三百弟子順水上流求兄屍骸遙見世尊在一樹下坐及大迦葉五百弟子前後圍遶而為說法見已便前至迦葉所而作是語此事為好耶本為人師今為弟子大師何故與沙門作弟子乎迦葉對曰此處為妙無過此處是時優毗迦葉向江迦葉而說此偈

此師人天貴 我今師事之 諸佛興出世
甚為難得遇

是時江迦葉聞佛名号甚懷歡喜踊躍不能自勝前白世尊願聽為道世尊告曰善來比丘善修梵行盡於苦際是時江迦葉及三百弟子即成沙門袈裟著身頭髮自落是時江迦葉及三百弟子呪術之具盡投水中尔時

順水下頭有梵志名伽夷迦葉在水側住遙見呪術之具爲水所漂便作是念我有二兄在上學道今呪術之具盡爲水所漂二大迦葉必爲水所害即將二百弟子順水上流乃至學術之處遙見二兄而作沙門便作是語此處好耶本爲人尊今爲沙門弟子迦葉報

斯五

七

曰此處最妙無過此處是時伽夷迦葉便作是念今我二兄多知博學此處必是善地使我二兄在中學道我今亦可在中學道是時伽夷迦葉前白世尊唯願世尊聽作沙門世尊告曰善來比丘善修梵行盡於苦際是時伽夷迦葉即成沙門袈裟著身頭髮自落如似剃頭已經七日是時世尊在彼河側住尼拘類樹下成佛未久將千弟子是皆耆舊宿長是時世尊以三事教化云何爲三所謂四神足教化言教教化訓誨教化彼云何名爲神足教化尔時世尊或作若干形還合爲一或現或不現或現石壁皆過無所罣礙或出

地或入地猶如流水無所觸礙或結跏趺坐滿虛空中如鳥飛空無有罣礙亦如大火山烟出無量此日月有大神力不可限量以手往捉身乃至梵天如是世尊現神足彼云何名爲言教教化尔時世尊教諸比丘當捨是置是當近是遠是當念是去是當觀是不觀是彼云何當修是不修是修者當修七覺意滅者當滅三結彼云何當觀當不觀觀者當觀三結沙門善所謂出要樂無恚樂無怒樂彼云何不觀所謂三沙門苦云何爲三所謂欲觀恚觀怒觀彼云何念云何不念尔時當念苦諦當念集諦當念盡諦當念道諦莫念邪諦有常見無常見有邊見無邊見彼命彼身非命非身如來命終如來不命終有終有不終亦不有終亦不無終莫作是念彼云何名爲訓誨教化復次當作是去不應作是去作是來不應作是來默然作是言說當持如是衣不應持如是衣應如是入村不應如是

入村是謂名爲訓誨教化是時世尊以此三事教化千比丘是時彼比丘受佛教已千比丘盡成阿羅漢是時世尊已具千比丘得阿羅漢尔時間淨里地有千阿羅漢及五比丘佛爲六師迴坐向迦毗羅衛是時優迦葉便作是念世尊何故向迦毗羅衛坐是時優

斯五

八

片

迦葉即前長跪白世尊曰不審如來何故向迦毗羅衛坐耶世尊告曰如來在世間應行五事云何爲五一者當轉法輪二者當與父說法三者當與母說法四者當與凡夫人立菩薩行五者當授菩薩莉是謂迦葉如來出世當行此五法是時優迦葉復作是念如來故念親族本邦故向彼坐耳是時五比丘漸來至尼連水側到世尊所頭面禮足在一一面坐是時尊者優陀耶遙見世尊向迦毗羅衛坐見已便作是念世尊必當欲往至迦毗羅衛見諸親里是時優陀耶即前長跪白世尊曰我今堪任欲有所問唯願敷演世尊

告曰欲有所問者便問之優陀耶白世尊曰觀如來意欲向迦毗羅衛世尊告曰如是汝所言優陀耶當知先至白淨王所吾比後當往所以然者刹利之種先當遣信令知後如來當往汝到語王後七日如來當來見王優陀耶對曰如是世尊是時優陀耶即從座起整衣服禮世尊足於世尊前不現徃至迦毗羅衛到真淨王所到已在王前立尔時真淨王在大殿上坐及諸妓女是時優陀耶飛在空中時真淨王見優陀耶手執鉢持杖而在前立見已便懷恐怖而作是說此是何人耶非人耶天耶鬼耶闍義羅刹天龍鬼神時

斯五

九

片

真淨王問優陀耶曰汝是何人又以此偈向優陀耶說爲天爲是鬼 乾沓和等乎 汝今名爲誰是時優陀耶復以此偈報王曰我亦非是天 非是乾沓和 於是迦毗國

大王邦土人 菩提十八億 紛魔波旬衆
我師釋迦文 是彼真弟子
時真淨王復以此偈向優陀耶說
誰壞十八億 紛魔波旬衆 誰字釋迦文
沒今歎說之
是時優陀耶復說此偈

如來初生時 天地普大動 誓願悉成辦
今日号悉達 彼降十八億 紛魔波旬衆
彼名釋迦文 今日成佛道 彼人釋師子
瞿曇次弟子 今日作沙門 本字優陀耶
是時真淨王聞此語已便懷歡喜不能自勝
語優陀耶曰云何優陀耶悉達太子今故在

國界人民平治道路除去不淨以香汁灑地
懸繒幡蓋作倡妓樂不可稱計復勑國中諸
有盲聾瘡症者盡使不現却後七日悉達當
來入城是時真淨王聞佛當來入城七日之
中亦不睡眠是時世尊已至七日復作是念
我今宜可以神足力往詣迦毗羅衛國是時
斯五

世尊將諸比丘前後圍遶往詣迦毗羅衛國
到已便詣城北薩盧園中是時真淨王聞世
尊已達迦毗羅衛城北薩盧園中是時真淨
王將諸釋衆往詣世尊所是時世尊復作是
從弟子斯是何人優陀耶報言諸天億數及
千比丘四天王恒在左右時王問言所著衣
與共相見所以然者父母恩重育養情深是

時世尊將諸比丘衆往詣城門飛在虛空去地七仞是時真淨王見世尊端正無比世之希有諸根寂靜無衆多念身有三十二相八十種好而自莊嚴發歡喜之心即便頭面禮足而作是說我是刹利王種名曰真淨王世尊告曰令大王享壽無窮是故大正當以正法治化勿用邪法大王當知諸有用正法治化者身壞命終生善處天上是時世尊即空中行至真淨王宮中到已就座而坐時王見世尊坐定手自斟酌行種種飲食見世尊食竟行淨水更取一小座而聽法余時世尊與真淨王漸說妙義所謂論者施論戒論生天之論欲不淨行出要爲樂余時世尊見王心開意解諸佛世尊常所說法苦集盡道盡向王說是時真淨王即於座上諸塵垢盡得法眼淨是時世尊與王說法已即從座起而去是時真淨王普集釋衆而作是說諸沙門等顏貌極醜刹利之種將諸梵志衆此非其宜

斯五

刹利釋種還得刹利衆此乃爲妙諸釋報言如是大王如大王教刹利種還得刹利衆此乃爲妙是時王告國中諸有兄弟二人當取一人作道其不爾者當重讞罰時諸釋衆聞王教令諸有兄弟二人當取一人爲道其不從教當重讞罰是時提婆達摩釋種語阿難釋言真淨王今日有教諸有兄弟二人當分一人作道汝今出家學道我當在家修治家業是時阿難釋歡喜踊躍報言如兄來教是時難陀釋語阿那律釋言真淨王有教其有兄弟二人者當分一人作道其不爾者當重讞罰汝今出家我當在家是時阿那律釋聞此語已歡喜踊躍不能自勝報曰如是如兄來教是時真淨王將穀淨釋叔淨釋甘露淨釋至世尊所余時駕四馬之車白車白蓋白馬駕之第二釋乘青車青蓋青馬駕之第三釋乘黃車黃蓋黃馬駕之第四釋乘赤車赤蓋赤馬駕之是時諸釋有乘象者有乘馬者

皆悉來集是時世尊遙見真淨王將諸釋衆而來告諸比丘汝等觀此釋衆并觀真淨王衆比丘當知三十三天出園觀時亦如此法而無有異是時阿難乘大白象白衣白蓋見已告諸比丘汝等見此阿難釋乘白車白象不乎諸比丘對曰唯然世尊我等見之佛告

比丘此人當出家學道第一多聞堪侍左右汝等見此阿那律釋不乎諸比丘對曰唯然見之佛告比丘此人當出家學道天眼第一是時真淨王及兄弟四人并難陀阿難皆步進前除去五好至世尊所頭面礼足在一坐尔時真淨王白佛言昨日生此念刹利之衆不應將梵志衆還將刹利衆此是其宜我便告令國中諸有兄弟二人者便取一人使出家學道唯願世尊聽出家學道世尊告曰善哉大王多所饒益天人得安所以然者此是善知識之良祐福田我亦緣善知識得脫此生老病死是時諸釋衆便得爲道是時

斯五

十二

真淨王白世尊曰唯願世尊教誨此新比丘當如教誨優陀耶所以然者此優陀耶比丘極有神力願優陀耶比丘恒在宮中教化使衆生之類長夜獲安隱所以然者此比丘極有神力我初見優陀耶比丘便發歡喜之心我便作此念此弟子尚有神力況彼如來而無此神力乎世尊告曰如是大王如大王教此優陀耶比丘極有神力有大威德爾時世尊告諸比丘第一弟子博識多智國王所念所謂阿若拘隣比丘是能勸化人民優陀耶比丘是有速疾智所謂摩呵男比丘是恒喜飛行所謂須婆休比丘是空中往來所謂婆破比丘是多諸弟子所謂優毗迦葉比丘是意得觀空所謂江迦葉比丘是意得止所謂爲迦葉比丘是爾時世尊廣與真淨王說微妙之法爾時王聞法已即從座起頭面礼足便退而去爾時諸比丘及真淨王聞佛所說歡喜奉行

聞如是一時佛在舍衛國祇樹給孤獨園尔時世尊告諸比丘十五日中有三齋法云何為三八日十四日十五日比丘當知或有是時八日齋日四天王遣諸輔臣觀察世間誰有作善惡者何等衆生有慈孝父母沙門婆羅門及尊長者頗有衆生好喜布施修戒忍

七

屏精進三昧演散經義持八關齋者具分別
之設無衆生孝順父母沙門婆羅門及尊長
者是時輔臣白四天王今此世間無有衆生
孝順父母沙門道士行四等心慈愍衆生時
四天王聞已便懷愁憂慘然不悅是時四天
王即往忉利天上集善法講堂以此因緣具

白帝釋天帝當知今此世間無有衆生孝順
父母沙門婆羅門及尊長者是時帝釋三十
三天聞斯語已皆懷愁憂慘然不悅滅諸天
衆增益阿須倫衆設復有時若世間衆生之
類有孝順父母沙門婆羅門及諸尊長持八
關齋修德清淨不犯禁戒大如毛髮余時使

者歡喜踊躍不能自勝即白四王今此世間
多有衆生孝順父母沙門婆羅門及諸尊長
天王聞已甚懷喜悅即徃釋提桓因所以此
因緣具白帝釋天帝當知今此世間多有衆
生孝順父母沙門婆羅門及諸尊長時帝釋
三十三天皆懷歡喜不能自勝增益諸天衆
減損阿須倫衆地獄拷掠自然休息毒痛不
行若十四日齋日之時遣太子下案行天下
伺察人民施行善惡頗有衆生信佛信法信
比丘僧孝順父母沙門婆羅門及尊長者好
喜布施持八關齋閉塞六情防制五欲設無
衆生修正法者孝順父母沙門婆羅門尔時
太子白四天王四天王聞已便懷愁憂慘然
不悅徃至釋提桓因所以此因緣具白天帝
大王當知今此世間無有衆生孝順父母沙
門婆羅門及尊長者是時天帝三十三天皆
懷愁憂慘然不悅減諸天衆增益阿須倫衆
設復衆生有孝順父母沙門婆羅門及尊長

者持八關齋尔時太子歡喜踊躍不能自勝即往白四天王大王當知今此世間多有衆生孝順父母沙門婆羅門及諸尊長是時四天王聞此語已甚懷喜悅即往詣釋提桓因所以此因緣具白天帝聖王當知今此世間多有衆生孝順父母沙門婆羅門及諸尊長

斯五

古

受三自歸慈心諫諍誠信不欺時天帝四王及三十三天皆懷歡喜不能自勝增益諸天衆減損阿須倫衆比丘當知十五日說戒之時四天王躬自來下案行天下伺察人民何等衆生有孝順父母沙門婆羅門及尊長者好喜布施持八關齋如來齋法設無衆生孝順父母沙門婆羅門及尊長者時四天王便懷愁悒慘然不悅往至帝釋所以此因緣具白天帝天王當知今此世間無有衆生孝順父母沙門婆羅門及諸尊長者是時釋提桓因三十三天皆懷愁憂慘然不悅減諸天衆增益阿須倫衆設復是時衆生之類有孝順

父母沙門婆羅門及諸尊長持八關齋尔時四天王便懷歡喜踊躍不能自勝即往帝釋所以此因緣具白天帝天王當知今此世間多有衆生孝順父母沙門婆羅門及諸尊長是時四天王聞此語已當奉行之世尊告曰諦聽諦聽善思念之吾當爲汝具分別說於是比丘若有善男子善女人於月八日十四日十五日說戒持齋時到四部衆中當作是說我今齋日欲持八關齋法唯願尊者當與我說之是時四部之衆當教與說八關齋法先教作是語善男子當自稱名字彼已稱名字便當與說八關齋法是時教授者當教前人作是語我今奉持如來齋法至明日清旦修清淨

斯五

古

共

戒除去惡法若身行惡行口吐惡語意生惡念身三口四意三諸有惡行已作當作或能以貪欲故所造或能以瞋恚故所造或能以愚癡所造或能以豪族故所造或能因惡知識所造或能今身後身無數身或能不識佛不識法或能鬭亂比丘僧或能殺害父母諸尊師長我今自懺悔不自覆藏依戒依法成其戒行受八關如來齋法云何爲八關齋法持心如真人盡形壽不殺無有害心於衆生有慈心之念我今字某持齋至明日清旦不殺無有害心有慈心於一切衆生如阿羅漢無有邪念盡形壽不盜好喜布施我今字某盡形壽不盜自今至明日持心如真人我今盡形壽不淫泆無有邪念恒修梵行身體香潔今日持不淫之戒亦不念已妻復不忘他女人想至明日清旦無所觸犯如阿羅漢盡形壽不妄語恒知至誠不欺他人自今至明日不妄語我自今已後不復妄語如阿羅

漢不飲酒心意不亂持佛禁戒無所觸犯我今亦當如是自今日至明日不復飲酒持佛禁戒無所觸犯如阿羅漢盡形壽不壞齋法恒以時食少食知足不著於味我今亦如是盡形壽不壞齋法恒以時食少食知足不著於味從今日至明日如阿羅漢恒不在高廣之牀上坐所謂高廣之牀金銀象牙之牀或角牀佛座辟支佛座阿羅漢座諸尊師座是時阿羅漢不在此八種座上坐不犯此座如阿羅漢不著香花脂粉之飾我今亦當如是盡形壽不著香花脂粉之好我今字某離此八事奉持八關齋法不墮三惡趣持是功德

斯五十六

不入地獄餓鬼畜生中八難之處恒得善知識莫與惡知識從事恒得好父母家生莫生邊地無佛法處莫生長壽天上莫與人作奴婢莫作梵天莫作釋身亦莫作轉輪聖王恒生佛前自見佛自聞法使諸根不亂若我誓願向三乘行速成道果比丘當知若有優婆

塞優婆夷行此八關齋法彼善男子善女人當趣三道或生人中或生天上或般涅槃余時世尊便說此偈

不殺亦不盜 不婬不妄語 避酒遠香花
著味犯齋者 歌舞作倡妓 學捨如羅漢
今持八關齋 畫夜不忘失 不有生老死

無有周旋期 莫與恩愛集 亦莫然憎會
願滅五陰苦 諸病生死惱 涅槃無諸患
我今自歸之

是故諸比丘若有善男子善女人欲持八關齋離諸苦者欲得善處者欲得盡諸漏入涅槃城者當求方便成此八關齋法所以然者人中榮位不足爲貴天上快樂不可稱計若善男子善女人以求無上之福者當求方便成此八關齋法我今重告汝若有善男子善女人成八關齋者欲求生四天王天上亦獲此願持戒之人所願者得我以是故而說此義耳人中榮位不足爲貴若善男子善女

人持八關齋者身壞命終生善處天上亦生
虛天兜術天化自在天他化自在天終不有
丘我今重告汝若有男子女人持八關齋者
生欲天者生色天者亦成其願何以故余以
其持戒之人所願者得若復善男子善女人
持八關齋欲得生無色天者亦果其願比丘
當知若善男子善女人持八關齋者欲生四
出家者亦復得生又善男子善女人持八關
齋者欲求作一方天子二方三方四方天子
亦獲其願欲求作轉輪聖王者亦獲其願所
以然者以其持戒之人所願者得若善男子
善女人欲求作聲聞緣覺佛乘者悉成其願
吾今成佛由其持戒五戒十善無願不獲諸
比丘若欲成其道者當作是學余時諸比丘
聞佛所說歡喜奉行

祇時只毗醯下呼阿耨下奴弊祭反浣灌胡

活漏反蹠踏字曝蒲報反又漬在智咄丁骨又

訛下音享壽上香列臙背蒲木反下唐瘡症雅反七

考下音諺略穀谷慘然感上七反拷掠上

增壹阿含經卷第十六

斯六

苻秦建元年三藏曇摩難提譯

高幢品第二十四之四

聞如是一時佛在舍衛國祇樹給孤獨園。尔時世尊告諸比丘有三事現在前。爾時善男子善女人獲福無量云何爲三信。在前善男子善女人獲福無量若財現在前。爾時善男子善女人獲福無量若復持梵行者現在前。爾時善男子善女人獲福無量是謂比丘有三事現在前。獲福無量。爾時世尊便說此偈。信財梵難得受者持戒人。覺此三事已智者隨時施。長夜獲安隱。諸天恒扶將。